

18-04-2018

P. nr. 2152/17

NË EMËR TË POPULLIT

GJYKATA THEMELORE NË FERIZAJ – Departamenti i përgjithshëm-divizioni penal, me gjyqtarin individual Adem Shabani, me zyrtarin ligjor Blend Rexhepi - procesmbajtës, në çështjen penale kundër të akuzuarit [REDACTED] nga fshati [REDACTED], Komuna Kaçanik, për shkak të veprës penale lëndim i lehtë endë trupor nga neni 188 par.2 lidhur me pragrafi 2 të KPRK-së, i akuzuar sipas aktakuzës së Prokurorisë Themelore në Ferizaj PP/II.nr.132-5/2017 të datës 28.08.2017, pas mbajtjes së shqyrtimit fillestar, në praninë e përfaqësuesit të akuzës prokurorit të shtetit Bahri Hyseni, të dëmtuari [REDACTED] dhe të akuzuarit [REDACTED] të njëjtën ditë me datën 20.02.2018 mori dhe publikisht komunikoi, këtë:

A K T G J Y K I M

I akuzuari: [REDACTED], me vendbanim në fshatin [REDACTED] Komuna, Kaçanik, i lindur më dt. [REDACTED] në të njëjtin vend, nga i ati [REDACTED] dhe e ëma [REDACTED] e gjinisë [REDACTED] shtetas i Republikës së Kosovës i martuar baba i tre fëmijëve me profesion zdrukthëtar, i gjendjes së mesme ekonomike, shqiptar, me nr. personal [REDACTED].-

Ë S H T Ë F A J T O R

SEPSE:

- me dt. 18.01.2016, rreth orës 20:30, në fshatin Komogllavë lagjja e [REDACTED] Komuna Ferizaj. pas një zënke në mes të dëmtuarit [REDACTED] dhe vëllait të pandehurit [REDACTED] i pandehuri e kishte sulmuar me mjetë-veturën e tipit Mercedes ML ngjyrë e zezë me targa [REDACTED], mjet ky i përshtatshëm për ti shkaktuar lëndime të dëmtuarit [REDACTED] në në atë mënyrë që gjersa [REDACTED] ishte duke u fjalosur me [REDACTED] ai qëllimisht dhe me dashje e kishte goditur me veturë në këmbën e djathtë me ç'rast nga kjo goditje i dëmtuari kishte marrë lëndime të lehta trupore të përshkruar si me ekspertizën e ekspertit mjeko ligjore të dt 29.07.2017, të cilat lëndime rezultojnë me pasoja të përkohshme për shëndetin .-

-me këtë ka kryer veprën penale Lëndimi i lehtë trupor nga neni 188 paragrafi 2 lidhur me paragrafin 1 të KPRK-së.

Andaj gjykata në bazë të nenit lartcekur dhe neneve 4, 6, 7, 21, 41, 43, 45, 46, 47 dhe 73 të KPRK-së, dhe nenit 365 të KPPK-së, e,

G J Y K O N

I. Të akuzuarit [REDACTED], i shqipton denim me burg në kohëzgjatje prej 1 (një) muaj, i cili dënim konform nenit 47 të KPRK-së, me pëlqimin e të akuzuarit i zëvendësohet në dënim me gjobë në lartësi prej 300 (treqind), Euro, nga rrethanat e arsyeshme i

mundëson ta paguan me këste për një priudhë prej tre muajëve, konform nenit 46 par.2 të KPRK-së, nga dita e plotëfuqishmërisë së këtij aktgjykimi.

Nëse i akuzuari kundërshton pagesën e gjobës ose nuk është në gjendje ta paguaj atë, konform nenit 46 par.3 të KPK-se, do të ekzekutohet në atë mënyrë që për çdo 20 € i pandehuri do të vuaj një ditë burgimi.

II. I dëmtuari [REDAKTUAR], nga fshati [REDAKTUAR] Komuna Ferizaj në shqyrtimin fillestar heq dorë nga propozimi, për realizimin e kërkesës pasuroro-juridike.

III. Obligohet i akuzuari të paguaj shpenzimet e procedurës penale për ekspertizën mjeko- ligjore shumën prej 20 Euro, paushallin gjyqësor në shumë prej nga 20 (njëzetë) Euro, të gjitha këto në afat prej 15 ditësh nga dita e plotëfuqishmërisë së këtij aktgjykimi, nën kërcënim të përmbarrimit të dhunshëm

IV. I shqiptohet taksa në shumën prej 30 Euro, konform nenit 39 paragrafi 3 nënparagrafi 3.1 të Ligjit për Kompensimin e Viktimave të krimit.

Arsyetimi

Prokuroria Themelore në Ferizaj me aktakuzën Ferizaj PP/II.nr.132-5/2017 të datës 28.08.2017, e ka ngarkuar të akuzuarin [REDAKTUAR] nga fshati [REDAKTUAR] Komuna Kaçanik, për shkak të veprës penale lëndim i lehtë endë trupor nga neni 188 par.2 lidhur me pragrafi 2 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt.20.02.2018, ka mbajtur shqyrtimin fillestar në të cilin kanë marrë pjesë prokurori i shtetit Bahri Hyseni i dëmtuari [REDAKTUAR] dhe, i akuzuari [REDAKTUAR].

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drerjtat e të akuzuarit janë rerspektuar, e më pas prokurori i shtetit ka lexuar aktakuzën të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjti i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet dhe konsultimet me mbrojtësin e tij.

I akuzuari [REDAKTUAR] ka theksuar se e ndien veten fajtorë dhe e pranon fajësinë për veprën penale për të cilën është akuzuar dhe ka mbetur në tërësi pranë deklaratës që ka dhënë në polici me dt.21.01.2016, lidhur me rastin që ka ndodhë me datë 18.01.2016, në fshatin Komogllavë, është penduar për veprën e kryer, i kërkon falje të dëmtuarit [REDAKTUAR] në shqyrtimin fillestar i ka propozuar gjykatës që me rastin e shqiptimit të sanksionit

penal të marr për bazë pranimin e fajsisë, pendimin për veprën e kryer, ka premtuar se më nuk do të përsërisë veprime të tilla.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajsisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajsisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajsisë.

Prokurorja i shtetit Bahri Hyseni ka theksuar se pajtohet me pranimin e fajsisë nga ana e të akuzuarit pasi pranimi i fajsisë është bërë komfor ligjit dhe provat materiale që gjenden në shkresat e kësaj lënde dhe kërkon nga gjykata që të njejtin ta pranoj si të till.

I dëmtuari [REDAKTUAR] në shqyrtimin fillestar pajtohet me pranimin e fajsisë nga i akuzuari në këtë fazë të procedurës, por nuk i bashkangjitet ndekjes penale dhe ka hequr dorë nga kërkesa pasuroro-juridike.

Gjykata në shqyrtimin fillestar ka vërtetuar se i akuzuari pranimin e fajsisë e ka mbështet në provat që gjenden në shkresat e kësaj lënde penale në raportin mjekësor nga Emergjencia në Ferizaj i dt.18.01.2016 dhe konstatimin dhe mendimin e ekspertit mjeko ligjor Dr. [REDAKTUAR] i datës 29.07.2017, në procesverbalin mbi intervizitimin e të pandehurit në polici dhe të dëmtuarit të njëjten datë me 21.01.2016, dhe fotografit që gjenden në shkresat e kësaj lënde penale.

Meqenëse i akuzuari ka pranuar fajësinë e cila është në përputhje me kriteret e përcaktuara me nenin 248 par.1 të KPPK-së, kryetari i trupit gjykues konform nenit 248 par.4 të KPPK-së ka vazhduar me shqiptimin e dënimit (*nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mund të vazhdoj procesin me shqiptimin e dënimit pa plotësuar trupin gjykues dhe pa e mbajtur fare shqyrtimin gjyqësorë, lidhur me këtë shih mendimin juridik të Gjykatës Supreme të evidentuar si G.JA.nr.207/13 të dt.19.03.2013*).

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale lëndim i lehtë endë trupor nga neni 188 par.2 lidhur me pragr.1 të KPRK-së.

Me rastin e caktimit të llojit dhe lartësisë së dënimit gjykata pati parasysh të gjitha rrethanat të cilat në kuptim të nenit 73 dhe 74 të KPRK ndikojnë në përcaktimin e llojit dhe lartësisë së dënimit. Gjykata të akuzuarit si rrethana lehtësuese i mori parasysh pranimin e fajsisë, sjellen e tij korrekte gjatë gjykimit, faktin se nuk ka të dhëna se më parë

ka qenë i dënuar për ndonjë veprë penale, ka shpreh pendim të thellë për kryerjen e kësaj vepre penale, të dëmtuarit [REDAKTUAR] i kërkon falje në seancë gjyqësore, i dëmtuari nuk i bashkangjitet ndekjes penale dhe nuk ka parashtrur kërkesë pasurore-juridike, në mungesë të rrethanave veqanarisht rënduese gjykata vlerësoi shkallen e përgjegjësisë penale të të pandehurit dhe rrezikshmerinë konkrete të veprës penale, andaj duke marrë parasysh tërësinë e këtyre rrethanave dhe shkallën e përgjegjësisë penale si dhe rrezikshmerinë konkrete të veprës penale, mbi bazën e rrethanave të tilla gjykata te pandehurit i vërtetoi dënimin me burgim në kohëzgjatje prej 1 (një) muaj, i cili dënim konform nenit 47 të KPK-së me pëlqimin e të akuzuarit i zëvendësohet në dënim me gjobë në shumë prej 300 (treqind) Euro, nga rrethanat e arsyeshme i mundëson ta paguan me këste për një priudhë prej tre muajëve, konform nenit 46 par.2 të KPRK-së, nga dita e plotëfuqishmërisë së këtij aktgjykimi, me bindjen se në rastin konkret do të arrihet qëllimi i dënimit të preventives speciale dhe asaj gjenerale, ku një dënim i tillë është adekuat dhe në proporcion të drejt në raport me peshën e veprës penale, rrethanave të kryerjes së vepres penale, shkallen e përgjegjësisë penale dhe personalitetin e të pandehurit. dhe me te arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Gjykata konformë nenit 461 parag.1 të KPPRK-së të të dëmtuarit [REDAKTUAR], nga fshati [REDAKTUAR] Komuna Ferizaj, nuk e ka udhëzuar në kontest civil për realizimin e kërkesës së pasurore juridike pasi në shqyrtimin fillestar ka deklaruar se heqë dorë nga propozimi.

Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nënpar. 3.1 të Ligjit për Kompensimin e viktimave të krimit Nr.05/L-036.

Nga arsyet e lartë përmendura është vendos si në dispozitiv të këtij aktgjykimi.


GJYKATA THEMELORE NË FERIZAJ

Departamenti i përgjithshëm-divizioni penal,

P.nr.2152/17 me datë 20.02.2018

Zyrtari Ligjor
Blend Rexhepi

Gjyqtari
Adem Shabani



KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.